

茶陵州志卷之十三

學校

學宮 禮儀

頒發 學額

書院 學官

祭器

學田

明張文毅公曰夫學以明人倫也聖人者人倫之至也故郡必有學所以使之教也學必有廟所以教之以孔子之道也知尊孔子之道而後知明倫知明倫而後為臣者忠為子者孝也忠孝之道興而後天下可治也是故教也者政治之本也去其教而求民之化也雖聖人弗能得也是故古之王者建國君民教學為先

學宮

規制

基地

堂齋

祠閣

附考棚

唐貞觀四年詔郡縣皆立孔子廟

今茶學五季以前不可考仍舊志斷自宋始

茶陵州志

卷之十三

學校

學宮

一

宋 初建在州西郊近獅子口山地

寶祐中移建城西

紫微門外

疑即今崇福寺地

元 仍在紫微門外至元丁丑知州吳思義修李祁記之至正末燬於兵

明 洪武五年知縣成麟即紫微門外故址復建之永樂四年知縣王貫修正統元年知縣徐亨撤故材而改造成化中知縣俞蓋遷建州治西三百步並建鄉賢祠於治南宏治八年知州李永珍遷復紫微門外宏治十年知州董豫遷還宋初舊址正德二年知州施佐繕而新之時董其事者學正黃泗隆慶二年知州黃成樂增立啟聖祠並建

□山鄉賢祠於櫺星門左右學前臨大江左抵泚江書院
□左爲民居萬歷九年知州賈緣欲建文明塏於隔江山
巔未果十六年知州陳情成之二十五年知州蓋梁建文
昌閣於學之前左天啟二年知州何起龍建望江樓於閣
前

國朝 初年仍在獅口山地經明末戎馬之後殿宇傾頽順

治八年知州楊嘉兆一作嘉肇捐俸修之惟明倫堂啟聖祠及

名宦鄉賢祠均堆瓦礫十四年知州周士先學正楊金聲

並修復之時生員劉温良等董其役康熙四年霪雨廟廡復圯知州

馬崇詔捐俸送儒學修之學正黃士宏置神龕修文昌閣

茶陵州志

卷十三

學校 學宮

二

補甃江樓刷岸十年由西郊徙入南城內即今學地署州事葉

筠經始而規畫之正殿兩廡戟門櫺星門如制東廡之下

增文昌祠西廡之下增土地祠戟門左右爲名宦鄉賢祠

櫺星門外左爲李文正專祠右爲四大學士合祠廟左建

明倫堂以居師儒工未畢十三年以來吳逆竊踞湖南兵

卒往來取薪宮牆飲馬泮池幾就荒廢十六年冬我師恢

復知州熊應昌請於幕府掃除而崇護焉復於南城新開

一門曰文星門明年大兵徙營乃鳩工庀材舉未造之兩

廡啟聖祠悉成之造而復損者補綴之工始竣時陳生員五美始終

其事又擇城南隙地建奎星閣以培下關二十三年春學正

江琇生自修殿廡門牆復請知州宜思恭捐金二百爲倡前開泮池後培崇基拓建啟聖祠琇生以明倫堂狹隘自措四十餘金益以闔州捐資買中垣街劉佐臣房屋一所改爲學正署地在滕王廟東數十步乾隆間署隨學遷遺廡售劉姓惟訓導仍居明倫堂之右二十七年後乃居裁衛之傍右邊空基建忠義孝弟祠左後角建尊經閣皆未詳建年今併爲兩學署三十三年辰州糧府解鑄攝州事捐廉百金修殿廡門廊鋪砌正殿啟聖祠地新兩廡宦賢各主葺奎星閣乾隆二十六年又遷城外因舊址久失遂建獅口山上迎風生蟻牆棟欹斜勢難垂久時學廡隨遷祠閣以次徙置故宮則改爲試棚後爲書院五十七年復改建南

茶陵州志

卷十三

學校

學宮

三

城內原基退後培高

原改之書院試棚已頹壞

中爲大成殿殿前爲東

西廡東廡前爲鐘樓西廡前爲鼓樓戟門橫截於前門左爲名宦祠右爲鄉賢祠前爲櫺星門門前東西各豎石坊爲轅門最前爲泮池殿後爲崇聖祠祠左右爲祭器樂器所又左右爲碑亭周遭崇垣池前環以石闌主事者知州王潤奉委勘地則前署州李永琛也

明倫堂在文廟之左東爲學正署西爲訓導署

青霞觀後一帶房宇

故社會也近逼於前至是悉除之

李文正專祠 四大學士合祠仍在櫺星門左右牆外

忠義孝弟祠在學正署前左隔街

雍正元年與節孝祠同奉文建

尊經閣在明倫堂之北考棚之上

考棚在學署後東西文場各五又後爲衡文堂後例截地劉

象功以上均隨文廟工程一併移建並將文星門外石

嘉慶二十年以修志餘貲修葺大成殿又考棚內桌欿年久損失兼己巳災民借居毀壞過半另行捐費易木以石爲永久計俱勒名桌端厥後歲修無費牆棟欹斜道光二十年監生周揚烈沿舊制而新之

咸豐二年五年茶城迭被粵匪竄擾學宮不免毀壞至八年知州劉如玉督籌防局各紳修理節孝祠在宜公祠右係雍正初年建

茶陵州志

卷之十三 學校 學宮 四

文昌祠在城南詳祀典卷

奎星閣舊建城南隙地久廢後移置明倫堂內考棚門樓上同治八年改建南城迎薰文星兩門之中

頒發諡號 匾贊 碑諭 書籍

諡號

漢高祖祀孔子以大牢元始初諡褒成宣尼公 東漢永元改褒尊侯 隋開皇贈先師尼父 唐貞觀尊爲宣父開元中贈文宣王位正南面衣以袞冕贈顏子公餘爲侯伯 宋崇甯四年詔用冕十二旒服九章大中祥符加元聖封父公母妻夫人 元大德至大累加大成至聖文宣

王皇慶二年封四配國公至順元年封父肇聖王 明嘉
靖九年改號至聖先師孔子四配稱聖東西哲與兩廡孔
門弟子稱先賢左邱明以下稱先儒別祠祀聖父爲啟聖
公立配享從祀易塑像以木主改大成殿曰先師廟大成
門曰文廟

國朝順治二年定謚大成至聖文宣先師孔子文廟爲中祀
十四年仍稱至聖先師孔子康熙五十一年升祔朱子於
十哲之次雍正元年追封五代王爵改啟聖祠爲崇聖祠
二年議定從祀賢儒或復或增詳祀典卷三年避聖諱加
卍讀作期音乾隆三年升有若於哲位

茶陵州志

卷之十三

學校

頒發

五

匾贊

康熙二十三年

御書萬世師表額於殿廷二十五年

御製至聖先師贊暨四配贊頒學

先師贊曰清濁有氣剛柔有質聖人參之人極以立行著習
察舍道莫由惟皇建極惟后綏猷作君作帥重統萬古曰惟
堯舜禹湯文武五百餘歲至聖挺生聲金振玉集厥大成序
書刪詩定禮正樂既窮象繫亦嚴筆削上紹往緒下示來型
道不終晦秩然大經百家紛紜殊途異趣日月無踰羹墻可
晤孔子之道惟中與庸此心此理千載所同孔子之德仁義

中正秉彝之好根本天性庶幾夙夜勗哉令圖遡源洙泗景
躅唐虞載歷庭除式觀禮器摛毫仰贊心焉遐企百世而上
以聖爲歸百世而下以聖爲師非師夫子惟師於道統天御
世惟道爲寶泰山巖巖東海泱泱高萬仞夫子之堂孰窺
其藩孰窺其徑道不遠人克念作聖

顏子贊曰聖道早聞天資獨粹約禮博文不遷不貳一善服
膺萬德來萃心齋坐忘其樂一致禮樂四代治法皆備用行
舍藏王佐之器

曾子贊曰洙泗之傳魯以得之一貫曰唯聖學在茲明德新
民止善爲期格致誠正均平以推至德要道百行所基纂承

茶陵州志

卷之十三

學校

頒發

六

統緒修明訓辭

子思子贊曰於穆天命道之大原靜養動察庸德庸言以育
萬物以贊乾坤九經三重大法是存篤恭慎獨成德之門卷
之藏密擴之無垠

孟子贊曰哲人旣萎楊墨昌熾子輿闢之曰仁曰義性善獨
闢知言養氣道稱堯舜學屏功利煌煌七篇並垂六藝孔學
攸傳禹功作配

雍正四年

御書生民未有額

乾隆三年

御書與天地參額

嘉慶六年

御書聖集大成額 道光二年

御書聖協時中額 咸豐二年

御書德齊幃載額 同治三年

御書聖神天縱額均懸殿上

碑諭

宋大觀元年詔布周官八行八刑之法於學宮令鐫刻淳祐六年御書白鹿教條頒學立石 明洪武二年刻石於學八條教士稱卧碑嘉靖五年親撰敬一箴並頒宋儒程氏視聽言動四箴立碑學校以肅生徒

國朝順治九年

茶陵州志

卷之十三

學校

頒發

七

欽定六諭文頒行設立鄉約講解開導愚氓以生員統攝

孝順父母

恭敬長上

和睦鄉里

教訓子孫

各安生理

無作非爲

頒刊卧碑曉示生員

朝廷建立學校選取生員免其丁糧厚以廩膳設學院學道學官以教之各衙門以禮相待全要養成賢才以供朝廷之用諸生皆當上報國恩下立人品所有教條開列於後

一生員之家父母賢智者子當受教父母愚魯或有非後者子既讀書明禮當再三懇告使父母不陷於危亡

一生員立志當學爲忠臣清官書史所載忠清事跡務□

互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入即有切己之事止許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從

茶陵州志

卷之十三 學校

八

容再問毋妄行辨難爲師者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

康熙九年奉頒

聖諭十六條令刊列明倫堂

敦孝弟以重人倫 篤宗族以昭雍睦 和鄉黨以息爭訟

重農桑以足衣食 尙節儉以惜財用 隆學校以端士習

黜異端以崇正學 講法律以儆愚頑 明禮讓以厚風俗

務本業以定民志 訓子弟以禁非爲 息誣告以全善良
誠窩逃以免株連 完錢糧以省催科 聯保甲以弭盜賊
解讐忿以重身命

康熙四十一年奉頒

御禦訓飭士子文令建碑明倫堂

國家建立學校原以興行教化作育人材典至渥也朕臨馭
以來隆重師儒加意庠序近復慎簡學使釐剔弊端務期風
教修明賢才蔚起庶幾棫樸作人之意乃比年來士習未端
儒效罕著雖因內外臣工奉行未能盡善亦由爾諸生積錮
已久猝難改易之故也茲特親製訓言再加警飭爾諸生其

茶陵州志

卷之十三

學校

頒發

九

敬聽之從來學者先立品行次及文學學術事功源委有叙
爾諸生幼聞庭訓長列宮墻朝夕誦讀甯無講究必也躬修
實踐砥礪廉隅敦孝行以事親秉忠貞以立志窮經考義無
雜荒誕之談取友親師悉化驕盈之氣文章歸於醇雅無事
浮華軌度式於規繩最防蕩軼子衿挑達自昔所譏苟行止
有虧雖讀書何益若夫宅心弗淑行己多愆或蜚語流言脅
制官長或隱糧包訟出入公門或唆撥奸猾欺孤凌寡或交
呼朋類結社要盟乃如之人名教不容鄉黨弗齒縱倖脫褫
扑濫竊章縫返之於衷能無愧乎况乎鄉會科名乃掄才大
□□係尤鉅士子果有實學何患困不逢年顧乃標榜虛名

暗通聲氣夤緣詭遇罔顧身家又或改竄鄉貫希圖進取□
凌騰沸網利營私種種弊端深可痛憾且夫士子出身之
尤貴以正若茲厥初拜獻便已作奸犯科則異日蕩檢踰閑
何所不至又安望其秉公持正爲國家宣猷樹績爲後先疏
附之選哉朕用嘉惠爾等故不禁反復惓惓茲訓言頒到爾
等務期共體朕心恪遵明訓一切痛加改省爭自濯磨積行
勤學以圖上進國家三年登造束帛弓旌不特爾身有榮□
爾祖父亦增光寵矣逢時得志甯俟他求哉若乃視爲□□
玩愒弗儆毀方躍冶暴棄自甘則是爾等冥頑不知終不能
率教也旣負栽培復干咎戾王章具在朕亦不能爲爾等□

茶陵州志

卷之十三

學校

頒發

十

矣自茲以往內而國學外而直省鄉校凡學臣師長皆有□
鐸之責者並宜傳集諸生多方董勸以副朕懷否則職業□
修咎亦難逭勿謂朕言之不預也爾多士尙敬聽之哉

康熙四十三年奉頒

御製平定朔漠碑文

存學

雍正二年奉頒

聖諭廣訓萬言曉諭軍民生童人等通行講讀

存學

雍正三年奉頒

御製平定青海碑文

有學

乾隆五年奉

上諭士爲四民之首而大學者教化所先四方於是觀型焉比者聚生徒而教育之董以師儒舉古人之成法規條亦旣詳備矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣諭學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲

茶陵州志

卷之十三

學校

頒發

十一

苟足以應有司之求矣則無事於汲汲爲也是以至於隋遊而不知反終身不能有志於學而君子以爲非士之罪也使教素明於上而學素講於下則士子固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闡然自修世俗之紛華靡麗無足動念何患詞章聲譽之能奪志哉況卽爲科舉亦無礙於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖

日日應舉亦不累也居今之世雖孔子復生也不免應舉然豈能累孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲己者□賢之徒也志於科名者世俗之陋也國家養育人材將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

茶陵州志

卷之十三

學校

頒發

十二

乾隆二十一年奉頒

御製平定金川碑文

存學

乾隆二十四年奉

上諭前因磨勘順天等省鄉試卷見其中字句紕繆者不一而足甚至不成文義如飲君心於江海之語於文風士習深有關係已降旨宣諭中外俾衡文作文者知所警惕第念別裁僞體以端風尙固在考官臨時甄拔公明而平日之造就漸摩使士子皆知崇實黜浮不墮揣摩擗搯惡習則學政責任尤重鄉會兩試乃士子進身階梯而學政於三年之前歲科考校評隲甲乙者此日之生童卽可爲他日之舉人進士所云

正本清源舍是無由也爲學政者果能以清真雅正爲宗一切好尚奇詭之徒無從倖售文章自歸醇正否則素口趨向紛歧一當大比爲試官者鑠闡校拔不過就文論文又何從激勸而懲創且學政按臨謁廟講書原與士子相見非考官易書糊名暗中摸索者比文章一導人品心術卽於此見端自應隨時訓勵整頓務去佻巧僻澁之澆風將能爲清真雅正之文而其人亦可望爲醇茂端謹之士由此賢書釋褐足備國家任使斯士子無負科名而學臣亦不負文衡之任但不得因有是旨徒以字句疵類易爲磨勘指摘遂專取貌似先正之文於傳註無所發明至相率而歸於空疎淺陋此又

茶陵州志

卷之十三

學校

頒發

十三

所謂矯枉過正救弊適以滋弊不獨輿論難誣一經朕鑒察亦惟於該學政是問今歲正學政受代之始諸臣皆朕特簡各宜勉副興賢育才至意著將此旨錄於學政公署并各府州縣學明倫堂用資觸目警心而凡我多士亦皆得審所就範朕實有厚望焉欽此

乾隆二十六年奉頒

御製平定準噶爾碑文

存學

乾隆二十九年奉頒

御製平定回部碑文

存學

乾隆四十五年奉頒

御製平定金川大功告成碑文存學

頒發書籍

御製朋黨論雍正三年頒

上諭二部共六十四本

文武和衷八年頒

上諭二部共四十八本

論釋道二教十一樣七年頒

學政全書二十二年頒

外官相見儀注二本

十三經注疏全部共一百六十本

禮記二十 孟子春秋左傳二十二 爾雅四 乾隆五年頒

廿一史全部共五百二十本

後漢書二十 史記二十 國志十二 前漢書二十四 八

茶陵州志

卷之十三 學校 頒發 十四

齊書八 遼史隋書二十 唐書四十四 五代史八年 宋

欽定四書文二十二年頒

明史七十一百一十二本

學政全書八本

周易折中二部共二十本

書經傳說彙纂二部共四十四本

春秋傳說彙纂二部共四十四本

古文淵鑒二部共八十本

孝經近思錄二部共六本

口講四書二部共二十四本

資治通鑑綱目四十三本

清語書十九年頒

湖南省冊結式三十年頒

學政全書 二十四本 二十年頒

續增學政全書 二十四本 二十年頒

儀禮義疏 五十二本 十三年頒

禮記義疏 八十二本

周官義疏 四十九本

保題教職條例 二十六本 六年頒

唐宋詩醇 二十八本 八年頒

祀典儀注 三十本 三十年頒

唐宋文醇 四十本

周易述義 四本 三十七年頒

詩義折衷 八本

春秋直解 八本

御製詩初集 二十四本

詩二集 四十六本

御製文初集 十六本

六部例條 一百三十九本 六年頒

大清律併督捕例 三十三本 八年頒

湖南省例 八十四本 四年頒

湖南部覆成案 十八本

新學政全書 二十四本 九年頒

茶陵州志

卷之十三 學校 頒發 十五

御論 五十六年頒

省例成案等書 遞年頒發

聖諭廣訓恭繹直講 二十九本 嘉慶頒

以上諸書均因道光六年水災學署傾圮漂失無存

學官

漢武帝立學校官元始學校置經師庠序置孝經師 魏

晉以下郡縣並有文學即博士助教之任 隋唐州縣皆

置學官 宋慶歷始置教授以經術行義訓迪諸生掌共

課試之事而糾正不如規者熙甯時縣置博學助教各一

人謂之主學官則由漕司聘署 元設教授學正學錄

明初茶為縣置教諭一員訓導二員正統十三年定提學

官躬歷各學督率各官化導諸生仍置簿考驗優劣成化

改州設學正一員訓導三員崇禎初裁訓導一員
國朝初設學正訓導各一員康熙三年奉 文留學正一員
訓導裁尋復設 凡學官到任交代定例出具印結牒州
加結轉賚接管文廟各廡祠隨時脩理祭器書籍加謹收
藏學田租石措銀賑貧按月訓課朔望集諸生宣講

聖諭廣訓定期舉報優劣有故甄別流品採訪忠孝節義等事依
例申詳俱節奉 文飭並遵全書辦理

祭器

國朝雍正三年 奏准將文廟祭器樂器式樣刊刻頒行直
隸各省畫一製造

茶陵州志

卷之十三

學校

祭器

十六

十二年議准直省文廟祭器樂器有未全備者該地方官
詳明督撫照額設原數備齊如有損壞亦即詳明脩補府
州縣官並教官離任時俱各查明交代

乾隆元年議准直省文廟祭器樂器有未製備者均動項
成造仍於完竣時報部核銷

器名象數
詳祀典卷

同治六年州紳譚培滋等因舊有祭器於咸豐二年五年
迭經兵燹蕩然無存同衆捐製各件開載於後

雲雷尊一 象尊一 犧尊一 簠一 簋一

香爐三座 燭臺三對 花瓶三對 爵杯三十六

籩豆五十 牲架

學田

一先朝士民捐置地名貝水謝漣冲馬首黃坪洲四處實
 共丈得熟田一百一十八畝三分一釐八毫共納租穀一
 百一十八石三斗一升八合原經院核定價折銀學收除
 完餉漕外解赴學院衙門賑給貧生現額極貧六名各銀
 四兩三錢次貧四名
 各銀口糧坐二十五都境區花名文士經院核減不照糧
 科額納餉銀連耗
 兩三錢六兩一錢七分口釐漕米京腳共折銀
 三兩一人錢二分即以兩教官俸銀兌完

一康熙五十七年訓導徐鴻起捐置地名石湖實丈得熟
 田二十三畝九分二釐四毫額租銀四兩七錢

一乾隆十六年生員周之暉捐地名巷口田二畝額租穀

茶陵州志

卷之十三

學校

學田

十七

三石二斗

一乾隆十七年生員羅家瑚捐地名江背田二畝四分額
 租穀二石四斗 □上三處銀穀均修理文廟

一康熙五十二年巡撫潘批准地名堯水田一十五畝額
 租銀三兩修理崇聖名宦鄉賢各祠

一康熙五十二年知州許國樞案奉巡撫潘批准贖回旌
 忠庵僧私售地名西郭田一十六畝額租銀六兩備祭旌
 忠庵岳公忠武餘貲即為修葺費

一李姓捐地名管塘鋪田二十一畝二分額租銀三兩二
 錢四分修理文昌廟明倫堂

已上俱入儒學經管收租辦納餉漕外如額備祭修理
糧坐二十五都境區花名學糧共糧五石九斗二升額納

地丁銀三兩四錢二分九釐耗銀三錢四分三釐南折
銀七錢二分二釐京腳銀一錢三分六釐漕米一石二
斗四升八合折銀一兩二錢四分
分八釐均係兩教官俸銀兌完

一康熙二十七年州判腰含英捐銀付紳士陳蒲生李長
生陳玉書等買地名佈莊田一十二畝五分屋三間餘地
一所並塘額租粳穀一十六石九斗塘租二 粳穀二石五
斗俱入學收完餉漕外爲宜公祠祭祀修理之用

一康熙二十三年知州宜思恭捐買陳泚祥原接段玉臣
田租三十八石裘克俊田租十石八斗譚仲祥田租十石

茶陵州志

卷之十三

學校 學田

十八

八斗共原額租穀五十九石六斗庄屋園林佃供常規照
舊新老各契付庠生陳九埏收印照付庠生曹棋收租銀
爲每年八月二十七日 先師聖誕祭資計糧四石六斗
九合坐二十五都境區花名州祀文廟

禮儀

康熙二十六年令天下學官擇鄉俊秀習佾舞 二十九
年議准凡官民經過下馬並禁在學宮內放馬畜作踐
雍正三年議准呈請名宦鄉賢入祀者令督撫學臣確查
每年俱於八月以前彙 題並將事實冊結送部詳核
十一年頒各官齋戒牌

乾隆五年 奏准各州縣學遵例舞用六份額設舞生三十六名外加四名以備事故更替令各該州縣會同教官考選本籍俊秀通曉音律嫻習禮儀者充補遇有缺出另選足數仍造報學臣查核免其府州縣試由教官冊送叙人考案之後申送院考 八年定樂舞生丁祭用藍衫雀頂平時用銀盤起花銀頂 九年頒祭祀樂章俾樂生演習虔肅將事 樂生五十二人樂章舞譜並詳祀典卷 十八年頒陳設圖 又遞年議准先賢建有祠宇選嫡裔奉祀教官造具本生履歷加結由州府詳司先送學臣覆勘咨曾督撫報部查核給照出缺則繳銷冒濫者革除

茶陵州志

卷之十三

學校

禮儀

十九

聖諭廣訓恭繹直講令其轉相化導

鄉飲酒

順治元年定京府及各省府州縣每歲舉行鄉飲酒禮設賓僎介主酒席於存留錢糧內支辦 雍正元年奉

聖諭鄉飲酒禮乃養老尊賢之古制近聞年久視爲具文所備筵宴亦甚草率應加謹舉行 乾隆十八年議准各省舉行鄉飲事不畫一旦竟有頻年闕畧不舉致曠

大典者應令各省督撫轉飭所屬府州縣遵照定例每歲正月十五日十月初一日舉行二次先期訪紳士之年高德

邵者一人爲大賓次爲介又次爲衆賓詳報府尹督撫核定舉行其本處有仕至顯宦偶居鄉里願來觀禮者依古禮坐於東北爲僎順天府及直省會城一品席南向二三品席西向各府州縣三品以上席南向四五品席西向無則闕之不立一僎二僎三僎之名不入舉報之內仍將所舉賓介造具姓名籍貫清冊送部存案倘鄉飲後有過犯按所犯輕重詳報褫革咨部除名並將原舉官議處

主賓襄禮位數

主席印官爲之若西南位東向大賓東北位介東南位衆

賓東位居賓介間西向序齒僎西北位三品以上南向無則闕僚屬衆官西位

茶陵州志

卷之十三 學校 禮儀 二十

居主僎間之司正教官通贊生一人引贊生二人讀律誥生一人

歌詩生四人司鐘鼓二人司瑟二人司笙奏四人供案酒尊湯饌各

執事八人

儀注

先旬主人戒賓具書敦請賓辭固請戒介及衆賓僎如之既皆諾先期趣至城宿之於館

前一日執事者於明倫堂依圖陳設坐次司正率禮生等習儀 至日黎明執事者宰牲具饌 主席及僚屬司正

先至明倫堂遣人速賓僎以下 比至執事者賓至引贊

引贊主席率僚屬出迎於大門外揖相讓入進丹墀揖賓主

相讓後贊揖執事擊鼓至階贊升堂西相讓向歷級而上賓鋪東主

贊兩拜並拜賓賓坐升僕介拜坐賓至出迎揖讓既就位坐賓通皆

贊唱生司正揚觶正引贊生並贊盥洗畢堂中北向立階升至賓僕

以下皆起立揖司正報揖賓僕贊舉觶引贊接而授酒於正觶

酒司正舉曰恭惟

朝廷率由舊章敦崇禮教舉行鄉飲非為飲食凡我長幼各

相勸勉為臣盡忠為子盡孝長幼有序兄弟友弟茶內睦宗

族外和鄉里無或廢墜以忝所生讀告畢司正飲酒飲畢

接觶授執事揖司正皆報揖司正復位皆坐以下皆起立揖

執事者舉律令案前北向立贊唱主賓以下皆起立揖

茶陵州志 卷之十三 學校 禮儀 二十一

如前展律誥讀畢揖如前復位皆坐以下皆起立供饌案舉饌案

至賓次薦脯醢設折俎次僕次介次獻賓主起離

立賓前置於席稍退主受爵兩拜賓答拜並拜如前儀王

退各復位唱賓酬酒賓起離席僕從於席稍退酒授賓贊兩

拜交拜訖主各復位坐者以次僚屬各席執事飲酒主舉璣靖

鐘鼓工入歌詩供饌主又唱筭請斟酒飲酒酒三行

供羹執事者以次酌酒徹饌主徹饌以下皆起離席主賓以

下皆行禮賓介僚屬居西東贊兩拜訖唱送賓以次下行堂仍

大門三揖退

律誥詞 尊德樂道行己有恥宗族稱孝鄉黨稱弟內和親

族外睦鄰里躬修罔斲式訓遐邇令德壽考自今伊始
 通志載律令凡鄉飲酒禮序長幼論賢良別奸頑其坐席
 閒高年有德者居上高年誠篤者並之以次序齒而列其
 有違條犯法者不許干預良善之席遠者罪以違制敢有
 誼譁失儀者揚解者以禮責之


按舊志於鄉飲酒禮闕而未書其附見於人物卷由

國朝初溯明中葉舉大賓者皆未詳其科名知典章所重在
 德與齒而爵位不與焉茲詳其儀節如右庶按籍舉行
 大典不至於終曠也

陳設坐次圖詳後

茶陵州志

卷之十三 學校 禮儀



鄉射

明正德初知州施佐學正黃泗營射圃於明倫堂後岡上

時學宮在西郊近獅口山地

基址雖闢堂階弓矢咸未之備今久廢

上學

州官擇期傳新進各生於大堂簪花各生行庭參禮知州

拱立答禮由中門鼓樂導出知州率各生謁文廟行三跪

九叩首禮畢詣明倫堂州官與教官交拜行兩拜禮次各生拜

見教官行四拜禮教官拱立受兩拜免兩拜定期月課榜其甲乙

貢試

廩生考貢例用正陪二人各給腳力銀四兩既貢官禮之

茶陵州志

卷之十三

學校

鄉射

二十三

給文赴藩司請領花紅旗匾酒席銀一十二兩八錢並腳

力銀一十六兩八錢准用八品頂帶補服向來貢生例准到監肄業有路

費銀一十五兩嗣經奉文免到如有願赴監者官給咨文

賓興

生員應鄉試者州官於七月上旬擇期開宴祖餞鼓樂前

導親送至西郊亭共盤纏銀額八十六兩八錢四分批首

總領帶至省城雲陽公館文生分五十五兩八錢四分武

生分三十一兩舊額批首獨受三名均分府學內州人取入

科舉者亦一體與宴分銀一

舉人會試官預給文請咨並領長夫銀二十四兩

學額

漢郡國學校置弟子員 隋唐設生員開元以後學生京縣五十人上縣四十人中縣中下縣各三十五人下縣二十人 宋熙甯弟子無定員 元學額十五人其盛也至五十人受餼於學 明洪武十五年定京府縣生員六十人在外府學四十人州學三十人縣學二十人日給廩膳仍免差徭二丁宣德中增廣生員數如正額不給廩膳謂之增廣生正統六年定歲貢府學一年貢一人州學三年貢二人縣學二年貢一人十二年於廩增外復選俊秀附學肄業謂之附學生

茶陵州志

卷之十三 學校 學額

二十四

國朝順治初編茶爲大學定學額四十名外撥府學多至七八名康熙九年 題准釐定直省考進儒童茶爲大學額取十五名外撥府學一二名廩生三十名共給廩銀九十兩卽兌完各生名下地丁正餉 增生三十名與直隸州同雍正二年欽奉

上諭案內

題准陞五名共額二十名外撥府學二三名乾隆五

十三年督學錢灃以茶陵應試人少祇取進十五名

奏准將額內五名暫寄府學俟茶起色仍許撥回以後每次撥府學一二名不定嘉慶八年州庠生等同具呈督學何學林 題請復額部議暫於府學內撥還二名十年督學狄夢松取進州學十七名十一年咨奉部覆又以先年所

還二名改歸府學並定每年額撥府學二名至咸豐八年因捐輸加廣一名同治元年加廣一名三年加廣二名六年又加廣一名前後共加文武學永遠定額五名皆由捐輸奉有部文同治七年歲試正額十五名連廣額五名文武各進州學二十名外撥府學五名八年科試取數同外撥府學三名其原減額五名仍寄存府學

歲貢於廩生挨次三年貢二人

辰戌丑未年空寅申巳亥
子午卯酉年輪流給照

選貢初係六年舉行一次乾隆七年定爲十二年舉行一次不拘食糧淺深每次拔一人 優貢於歲考之年由學申舉鄉試後會考與本府各屬共取一人

茶陵州志

卷之十三

學校

學額

二十五

乾隆五十二年長沙府知府劉尙質念茶陵距省甚遙文武童生向與各屬同考試畢守候院試苦於期遠旅食維艱若歸而復往未免兩番跋涉學業亦荒札飭府試定期俟督學按臨長沙歲考一月前科考半月前齊集候考府試竣卽錄送院試以免往返之勞次歲庠生段鎮等恐日後更章遵卽具呈知州劉之瑄許請批准立案勒碑府轅以垂永久

涑江書院

明宏治十七年知州林廷玉初建儒學署左近時獅口山地

分主敬行恕修德凝道四齋置鄉賢祠前抵街立端教化

善風俗二坊又前臨江構吸秀亭東西為軒後廢

國朝乾隆六年知州張廷琛改建城內南關額為張公講堂捐銀四百兩為

倡士民踴躍輸助所置田租詳後今改為文昌官

二十九年知州戴保豫因文廟徙城外改故宮為書院

三十七年知州陳廷柱增置田畝租數詳後五十九年知州王

潤遷復文廟於城內原址留西郊明倫堂及學正署等

處為書院嘉慶十三年知州鮑炳禮從新更造前設照

茶陵州志

卷之十三 學校 書院 一

牆中為大廳後為講堂堂上為

御書樓左為

大成殿右為院長宅又右為崇道祠祀前代理學名儒堂左齋舍二

右一左後角有清泉因泉鑿池以備灌溉右有两桂不忍

前代立軒以護之今為雙桂樓即古之明倫堂也周遭崇

垣規模粗定中遭水災經費不繼至二十一年闔州勉力

輸助例職尹勳董其事增田租以裕院長束脩生童膏

火並歲修費所捐田租數並詳後厥後風侵雨蝕棟宇欹斜道光二

十九年監生周揚烈獨力書院前移作舊學址坐山及修院院前一帶俱官地立有界

石

乾隆七年知州張廷琛南關書院落成購置公產並士民

樂捐田租舊有檔冊存禮房兵燹後均遺失

江背隴田一十畝三分糧一石一斗九升額租一十五百

麻石寨田五十三畝四分糧三石四斗七升二合額租五

貢生陳一相捐楊梅冲田四十八畝租四十八石糧四

監生劉庭棟捐黃土墓田一畝五分租一石五斗糧一

周伯達捐慈裡望田一十九畝三分租一石九斗三升

黃福生捐大園田四畝租四石糧四斗

蕭陳氏捐雲陽山下田一十畝三分租一石二斗九升四合

又續買竹下隴田五畝租四石九斗五升

茶陵州志

卷之十三 學校 書院 二

官陂田一畝七分租一石八斗

梅子坤田一十三畝因水決減額實在租四石

乾隆三十七年知州陳廷柱諭令各都捐置田畝

上一都捐買顏文東地名下清水田五畝九分因水決減額實

租八石七斗糧已歸總

二都共捐田地額租一十二石五斗內走馬隴山塘租三石

一石四斗山塘坤田租一石二斗近坤田租一石

斗六斗竹下隴田租一石二斗顏生輝田租八

三都捐買地名古塘基田一十一畝額租一十二石一斗

糧已歸總

四都共捐田租六石內李祠二李祠三洞二石租蘇孟熙
源水田租一石 糧已歸總

五都共捐田租一十石二斗內管塘鋪田租三石五斗一斗東
塘田租三石六斗 其糧俱未推收

六都共捐田租二十一石五斗內陳塘田租七石一十二石又
淵潭田租一石 早禾塘田租六斗 其糧俱歸總

七都共捐田租一十五石七斗五升內長壩江東田租一石
石四斗 石五升 租九斗 唐冲田租六石 租二石四斗 租六

水田租六斗 五升 東冲田租六石 茅坪里田租六
斗 新塘田租一石二斗 沙灘田租一石四斗 其
糧俱未推收

八都共捐租一十九石二斗六升 糧俱歸總

茶陵州志

卷之十三 學校 書院 三

九都共捐田租一十三石六斗 糧未推收

十都共捐田租一十八石坐東山楊柳堤下塘鯉魚形黃泥
東山一處係陳宏謨所捐糧俱歸總

左十一都共捐田租一十四石度下二石 梘冲山二石

扣下壩一石 山塘壩八斗 下坊一石二斗 糧俱未收
山一石 田家灣一石 又 二石

右十一都共捐田租一十一石六斗內塘丁壩田租一石

二石 橋下壩租一石 已上糧八斗 春塘田租五石六斗
田子冲田租一石 已上糧八斗 俱歸總

十二都共捐租三十六石火田廟背西嶺壩內水田租二十一
十二石 尹監二捐 糧歸總

十三都共捐田租二十四石四斗內長芬禾東担塘下田租六

六石六斗 巨田扶冲等處田租十一不二斗
糧俱歸總

十四都共捐田租二十石零九斗內洲陂大禾壠田租六石二斗
十一石九斗 又 田租二石八斗糧俱歸總

十五都共捐田租一十三石二斗內古城田租四石八斗其糧已歸總
外管塘鋪田心方壠內等處田和八石四斗糧未推收

十六都共捐田租一十五石六斗內松江馬頭等處田租八石四斗
租七石二斗 糧俱歸總 ○按舊志原有兩部其一載十六都捐租十四石四斗與此不符存以待查

十七都共捐買夾霧嶺田租七石二斗 糧已歸總

十八都共捐買小槎黃土等處田租四石八斗 糧未推收

右十九都其捐田租一十石五斗 糧未推收

茶陵州志

卷之十三 學校 書院 四

二十都共捐田租一十四石六升內上沙任田租六石雷姓田租三石 磚塘

田租一石三斗 新塘活田租一石三斗六升 向姓
田租二石四斗 糧俱歸總

左二十一都共捐田租六石六斗六升內麥園里黃土租一石二斗

東冲田租一石三斗二升 黃坪里田租一石二斗八升
田租一石三斗二升 梅田觀田租六斗二斗八升

租九斗六升 糧俱歸總

二十二都共捐田租一十一石五斗內業城田租八石馬棚冲小石八冲等

處田租二有 譚姓山租一石五斗 糧已歸總

二十三都共捐田租一十一石八斗五非內石八斗 漢洞田輯

竹下壠田租一石二斗 藍姓田租二石二斗
藕塘下田租二石二斗 田租一石二斗

壠田租二石四斗 糧 縣總

二十四都共捐買 山檔邊雷家山等處田租共二十石

二斗 糧未推收

合計乾隆七年公買及捐入田共糧一十三石二斗二升八合坐衷鄉二十四都信區花名州義學

續置田產與乾隆三十七年各都所捐田地除未推收者照額於租價內支錢完糧外已歸總者共糧二十八石九斗三升七合亦坐信區花名泚江書院

嘉慶十三年擴建書院各都增捐田租 檔冊存禮房今俱遺失

下一都老民陳甯添捐下十一都黃石冲壠內田一十一畝九分額租二十二石一斗糧一石六斗七升一合

茶陵州志

卷之十三 學校 書院

五

四都監生蘇國舉捐大水塘岸上田五畝三分額租八石糧五斗三升

十四都監生譚志尹志凝兄弟捐扶江隴內田四十畝零額租二百七十桶糧三石九斗九合五勺

坐茶鄉十四都仙區花名新書院 前後糧俱歸總

嘉慶二十一年知州瑞徵鈔契錄讞移學立案充入上十
一都艾虎坳集雲菴棟宇及近菴田一墩環圍柴炭山嶺俱以倒水爲界內有已墾及栽植桐茶杉竹每年除山租錢二串並田租內處一石八斗支給本菴歲修香燈外實額租一十五石糧六斗二升

已上總共田租五百餘石其時穀價輕相沿輕折成例兼因災核減漸虧原數每年除完錢漕及開給各費外餘錢祇額送院長束脩百串生童膏火四十串於是寒儒仍無肄業之資

道光元年知州常慶因書院經費不足於漕米項內歲抽錢五百串備增膏火每年徵漕卽飭糧總交經理首士當經移學立案勒碑署前及考棚外原期積累日多兼可資助科舉盤纏十九年糧書陳興智在西城外老倉門前私設船行被船戶控告知州慶岳將船行屋宇充入書院每年實額佃租十二千文增爲膏火之費二十

茶陵州志

卷之十三

學校

書院

六

六年汾溪段

李徐

氏偕男監生興霖等捐松江隴內田七

十六坵實額租五十六石糧三石三斗六升

案存禮房糧已推收

新立花名
泚水敷文

自咸豐二年五年疊經兵燹書院不免曠廢

至八年知州劉如玉將書院田租捐免錢糧復以漕羨五百串爲膏火並額外捐廉獎賞署篆三年士氣爲之一振劉卸任後書院田租仍舊徵糧而禮房檔冊無存經理者漫無端緒又復不敷支應同治三年知州楊式珣因州紳之請准於漕羨內歲抽捌百串爲書院膏火之資每年書院錢糧卽在八百串之中扣抵嗣經知州童恩出示勒碑豎立講堂歷年均恃此爲津貼所有書

院往年所捐田租未便聽其遺失茲集州紳會議欲於文昌宮設立興賢堂公舉首士清理移爲士子鄉會試幫費其條規俟清查確有成數另行刊載

各都書院

明經書院 在州東宋岳忠武討曹成軍至茶尹彥德犒以牛酒忠武請於朝遣國子生教其子弟因建書院楊誠齋爲之記 其孫曾伯正仲正俱成進士

南溪書院 在州東南宋進士譚光國讀書處遺址存

東山書院 在州東北宋進士陳古迂 名仁子 不仕元營別

墅於東山爲讀書之所遺址存

茶陵州志

卷之十三

學校

書院

七

紫微書院 元進士陳誼高讀書處今廢

光岳書院 舊在武廟右明宏治中改爲按察分司今廢其地併入武廟

西疇書屋 在州北明進士羅鑒建

雲崖書屋 明指揮王廷爵建編修董圮記

社學 明景泰間在南關正街青霞觀東成化宏治正德萬歷間屢遷今廢

培植義社 在州北乾隆間上一都公建

文江書院 在州西南馬伏墟三都公建

尋樂書院 在州西四都大樂鋪蘇姓公建

白沙書院 在州西六都白沙譚姓公建

雩江書院 在州東茶鄉十六十七十八三都公建因皇

雩山水縈繞其前故名

象湖書院 在州東腰陂九都十都十三都公建

大湖書院 在州北潞水上坊庠生顏可象等倡建

龍湖書院 在衷鄉二十五都湖口

源泉書院 在十三都左江

梅林書院 在二十五都石井譚姓公建

幼學書塾 在二都寶水仙側第都洲曲江洲公建

梓林書院 在上九都石溪劉姓公建

茶陵州志

卷之十三

學校 書院

八

龍湖書院 在上一都咸豐元年譚敍倫等倡建

鰲峯書院 在下十一都咸豐五年李春輝等倡建

逢原書院 在下十一都

崇文書院 在十三都梘田

蘆江書院 在右二十都

范樂書院 在二十三都藍純夫倡建